

國家圖書館地方志和家譜文獻中心 編

鄉土志抄稿本選編

三

河北 趙州鄉土志

冀縣鄉土志教科書

山東 「山東風土記」

膠州直隸州鄉土志

平度州鄉土志

壽光縣鄉土志

歷史

趙州建置年代

北齊天保二年因避太子名改殷州曰趙州趙州之名始此

未置本境以前

唐虞夏商

冀州境

周

春秋時為晉邑名棘蒲左傳哀公元年師及齊師衛

孔圉鮮虞人伐晉取棘蒲即此

今有棘蒲社

戰國改棘蒲為平棘仍屬晉至三卿分晉趙之版圖日擴延袤數千里則專為趙地矣

秦

屬鉅鹿郡

顯王四十五年趙武靈王城鄣以拒中山棘蒲寔為屏翰至趙遷七年遂入於秦屬

鉅鹿

郡

漢

置平棘縣故城

俗名固城

在今治東南三里又置封斯為

侯國

封斯戴侯劉胡傷史記表傷作陽

在今治西南二十五里有東

西封斯二村屬常山郡

漢恒山郡治在今元氏縣後避文帝諱改恒為常

又

置宋子縣故城在治東北三十五里即今宋城村

史記

高漸離匿作於宋子即此又置敬武縣故城在州北元帝封女敬武公主為湯沐邑即此屬鉅鹿郡

後漢

平棘縣屬常山國封斯宋子敬武俱廢

魏

平棘縣屬常山郡

晉

置趙國治平棘

後魏

置趙郡治平棘屬殷州治廣阿在今隆平永安二年

復置平棘縣宋子縣仍屬鉅鹿郡

北齊

天保二年改殷州曰趙州避太子名也初治廣阿後

移平棘宋子房子二縣並省

房子縣屬趙州唐改為臨城故城在高邑縣西

南十五里

既置本境以後

隋

趙郡開皇初郡廢改欒州故欒城在州西十六里春秋時欒武所封之地今俗呼為大業初復為郡治平棘

唐

趙州武德初復為州治柏鄉四年還治平棘五年改曰欒州貞觀初復故屬河北道天寶初曰趙郡乾元復曰趙州

五代

趙州治平棘

宋

慶源府初亦曰趙州崇寧四年賜號慶源軍節度尊

國姓也宣和元年升為府屬河北西路靖康後入於

金宋靖康二年為金天會五年五月金人以二帝北行金將斜卯阿里還攻趙州降之遂入於金

金

沃州天德三年更趙州為沃州取水沃火之義亦曰

趙郡軍屬河北西路後廢金正大二年元將史天澤拔趙州使趙振玉為節度

使守之復慶源軍本號州遂入於元

元

趙州屬正定路

明

趙州屬正定府以州治平棘縣省入

國朝

趙州仍明舊制屬正定府雍正二年升趙州為直隸
州割贊皇屬正定府趙州遂不屬正定矣

國牒

此牒書王父孫此經不書王父
此牒書王父孫此經不書王父
此牒書王父孫此經不書王父
此牒書王父孫此經不書王父

政績

官本境者有惠政謹按之以年月先後為次序

興利

魏

崔孝偉安平人任趙州太守教民種植收復流亡興立學校親加勸勉士民沾其實惠今傳頌之

見北史

唐

弓志元永徽五年為平棘令大興水利開源引流以侍蓄洩民食其利者多年

見唐書地理志

元

趙玉振任慶源軍之日戶不滿百披荆棘拾瓦礫招復流亡立廬舍課農桑通商旅愛民如子當時稱良吏者為巨擘焉

明

章綸知趙州事操守廉介聲譽著聞後知晉州值歲飢僅賑濟有方民賴以生活者甚衆焉

何濬知趙州事敷仁布惠不尚鞭笞賑濟飢民招復流亡通商旅浚井泉立學校任六年之久及歸州人

慰問不絕各家立主以祀凡有疾病皆於公木主前
禱之

潘洪知趙州事教民稼穡流離轉徙聽訟之暇召集
諸生賓禮賢能繕城浚隍俾州人踴躍爭先

馬中良知趙州事啟迪後學如課子弟捐俸金賑貧
乏在趙五年士林愛戴去之日諸生依依不忍別離
去後立碑記之

國朝

陶鼎鉉知趙州事聽斷精明訟獄哀息修葺聖廟不

三
憚勤勞清大地畝欺隱畢露賦役迺均力行保甲崇
祀名宦永昭盛典

祝萬祉知趙州事修常平倉工料堅實規模宏闊聽
政之暇親身督工又率倡士人纂修趙州志

龔嶸知趙州事政治勤肅廉隅自飭倡捐俸金增置
義田不任吏役羣黎戴德

孟傳鑄判趙州事博聞強記性情直樸常以培植人
材為己任趙州志書公所輯續者居多查驗河道不
憚勞雖夏日炎炎未嘗稍怠

去害

魏

李曾平棘人治鄭氏春秋以教授為業太祖時徵為
博士出守趙郡令行禁止劫盜奔竄有鄰境賊獲趙
郡死鹿賊長聞之令還使鄰境畏憚如此人稱廉明

真不誣哉

見魏書

北齊

鄭述祖滎陽開封人官趙州刺史以清白傳家百姓
歌曰大鄭公小鄭公能繼父志遺子孫凡所任之境

皆有實惠諡曰平簡公

五代

烏震純質好學通左氏春秋喜作詩工書及任趙州刺史居心廉平革去弊政有擾民之事酌除之後陞為太師

符令謙昭慶人有勇力善騎射任趙州刺史善政昭著民愛之如父母後卒於趙州州人號泣送葬當時

稱為良吏

見五代史

宋

魯伯能判慶源軍事天姿明敏博學工文生平無所嗜好惟以翰墨自娛著有文集百餘卷弊政悉革元

耶律天祐契丹人父忒末祖丑哥仕遼為都統大義
懍懍死不屈節金主憫其忠義見元史

國朝

胡枝蕙知趙州事禁賭弭盜持法甚嚴境內有素好賭博者公在不敢犯公去後有婦女百人跪送而歸涕泗交頤叩其故曰我家男子好賭今胡公去矣吾